

第
28
號

39

流字第 27 號

第一

科

文書股

尋常

何處來及何人

來文

別收到日期備

註

摘
由
擬
批
示
張
知
衡
久
情
由

張
三
第
四
族
長
譚
瑞
師
代
電

八
月
廿
七
日

存查



六



快郵代電

中國國民黨中央黨部國民政府鈞鑒各省省黨部各省省政府各級黨部各縣行政公署各省師旅團長各公共法團各報館均鑒竊 曙卿一介軍人追隨我

先總理及我

總司令有年祇知有黨有國祇知服膺長官命令與反革命者奮鬪不遺餘力 敝部自今歲三月奉令駐防海屬以來無日不兢兢業業以剿匪劃共視為天職苦心孤詣不計其他乃者報紙喧傳對於七月二十四日劇共一案不無誤會嗚呼 曙卿本一黨員對本黨同志無不以親愛精誠待之當此黨國需人孔急之秋豈忍無故犧牲同志而為反革命增加力量乎惟以該張勁樞陳嗣衡等反革命之證據昭彰且利用多量之金錢擾我久乏餉糈之軍心若非 曙卿部隊訓練有素恐全軍不免於瓦解矣情勢既如此之緊迫 曙卿痛心疾首思維再四若不即時將其正法倫部隊瓦解糜爛地方則 曙卿負於黨國負於人民之罪戾將百死莫贖故與其負黨國負人民而後受軍法之制裁甚且死於暴徒之手甯甘以一片為黨國為人民之苦心早除巨獠以定軍心而安閭里縱或招物議自問殊覺無愧我心且吾黨有言對反革命之寬容即對同志之殘忍綜此數因遂不得不忍痛處置惟以經過情形外間或有不明謹分陳於后以明真相

(1) 此次搜捕共匪之緣起 查東海陸有隴海鐵路水有大浦海口共匪乘機活動日謀傾覆我政府 敝部自接防以來其中發現搗亂陰謀暴動第一次孫大呵等於城市繁盛之區大貼反動標語反對中央侮 總司令第二次製造城廂房鋪捐風潮有青年手執三角紅旗在場指揮(見民廳委員呈文)第三次海

中學生毆傷校長圍辱省視學鼓盪風潮宣傳赤化(東海共案多出海中)第四次陳秀夫等大肆猖獗圖謀大舉經民政廳密令拿辦捕獲將近二十人夫以共匪既如是之嘯集迭次未聞法辦一人星星之火勢將燎原於是共匪更無忌憚加緊工作前者捕而後者繼遂以東海為根據大本營矣除隨時派探密查防範外陸續有民衆來部告密但彼輩行動非常詭秘迨至七月下旬迭據各方密報該黨預計以能殺一營長者賞洋二千元能殺一團長者賞洋五千元現僅匯到五千元俟大款到時即分頭進行定於八月一日作大規模之暴動乘機放火燒殺軍警機關同時舉動其中首要已分佈黨部學校工商各會各等語適是時 敝部十一團六連有士兵十餘人深夜攜械潛逃為長官察覺立即派隊尾追至二十餘里之地逃回有一士兵訊據供稱係被迫相從其所供適與密報相符 曙卿以情勢緊張禍機迫切遂據密報於七月二十四日下令逮捕

(2) 捕獲陳張徐夏等之手續 查是日陳嗣衡張勁樞夏鼎文等據探報仍盤踞縣署均各攜帶手槍子彈陽假行政會議之名陰行暴動策劃 曙卿隨帶從兵數名到東海縣政府時陳嗣衡張勁樞等正在用膳 曙卿即入李縣長勸夫室內坐候其飯畢即將陳張等應捕之理由為李縣長言明同時當眾宣佈令隨偕行一面會同李縣長令軍警協同前往縣黨部捕獲夏鼎文并嫌疑犯七人嚴密施以檢查搜獲各項證據惟夏鼎文住宅甚遠未及檢查同時并在新浦捕獲徐敬甫一名據報秘密工作機要文件均在私人住宅內其眷屬已於先一日逃避亦未及檢查均各帶部隨發看守當經電呈

總司令蔣暨

參謀總長何在案又於二十五日據報捕獲嫌疑犯滕錫九一名又據密報縣黨部秘書顧振流農協會委員潘閱如商協會委員高守聖工整會委員孫肖韓均各聞風逃遁

(3) 搜獲各犯之證據 查張勁樞係工整會委員(江蘇省黨委武葆岑委)在工會內張之住室箱內搜獲組員寄來呈報一件(來處不明)內載係呈第三組長張收到經費五千元宣傳品五萬六千張等語張親筆抄錄共黨宣傳方法一本顏日讀書劄記東海監獄內共黨馮若愚報告口供名片一紙隨身駁壳槍一枝子彈七十發詹大悲事略一本又於大浦保衛團內搜獲共黨秘密組織油印十三頁半內容純係共黨一種最秘密最周詳之計劃分類編述(本件依據密報派員前往檢查由信袋內檢出)

據滕錫九供稱係前任團長張勁樞放在裏面者見七月二十五日質訊筆錄) 陳嗣衡係東海民報主筆在報館住室搜獲中國共產黨中央執行委員會為蔣桂戰爭告士兵書文約萬言內容係告士兵勿為新軍閥戰爭速暴動起來加入紅軍種種謬說澈底週報清稿一本係陳嗣衡親筆手抄言論欄內純係採取共黨陳作舟等謬說

夏鼎文係東海縣黨部執委在黨部搜獲反動書籍二十二冊計獨秀文存青年出路貫澈民心前鋒青年呼聲中國國民革命的前路中國國民黨所代表的是甚麼革命評論又嫌疑信數件共黨顧恩遠函二件駁壳槍一枝子彈一百發

徐敬甫係商整會委員(江蘇省黨委武葆岑委)在會內住室搜獲王馨堂函二件內載敬甫諸同志近况弟極念大西北主義遇必要時應該實行了各謬說伯恂手諭一件太安來電一件均係囑其離避新浦等語

(4) 不得已採取斷然的處置 查是案關係重大一面分飭戒嚴一面於二十五日在部組織開庭會審偵訊提訊各該犯後二十六日午後正擬再加詳審請示間忽據密報今早有人開會暴動在即軍心動搖 曙卿以千鈞一髮之時為地方計為黨國計為軍隊計不得不取斷然的處置當即先提證據確鑿叛亂昭著之陳張兩犯遵照

政府迭次劇共嚴令以反革命處決人心大快軍心賴以維繫經即電呈

總司令蔣暨

參謀總長何隨將全卷證據呈報又在案至夏徐二犯隨奉

總司令電令解部澈訊遵於八月十日連同供證解送

總部核辦矣其餘嫌疑各犯分別取保釋放此辦理本案經過之大概情形也

嗟呼赤色帝國主義謀我中國不恤以大批金錢收買中國亂黨為其走狗陽假國民黨招牌陰行共產黨工作鼓吹赤化主義製造階級鬪爭殺人放火無惡不作粵湘贛各省流血千里村落為墟凡茲匪類人人得而誅之稍具天良者斷不目之為同志 曙卿生性愚魯對於外間浮議本可置之不聞不問但關係重大竊恐淆亂聽聞是非倒置爰述顛末尚乞鑒陸軍獨立第四旅旅長譚曙卿叩寒